

卓峰草堂詩鈔卷十三

得吳鏡泉書卻寄

雲閒見說返秋城住穩林泉夢更清少習齋鹽殊世味
老憐兒女亦人情名山事大誰千古時以拙詩
商之鏡泉塵海身
勞此半生往日壯心捫不得瀟瀟風雨漫雞鳴

路過永豐謝湖東作畫贈別感賦湖東廣
東人

分手天涯兩鬢秋青山紅樹舊江樓曾彈長鈇為齊客
又戴南冠學楚囚一代英雄強弩末湖東亦歷抵諸
侯今將謀歸也幾
時歸去大刀頭殷勤持贈烟波景海外原來有十洲

卓峰草堂詩鈔卷十三

舟出涿口

萬水千山路折迴今朝眼界得重開船從雷雨聲邊下
身向江城畫裏來荷菱衣涼憐遠客鷓鴣詩小薄凡才
吞胸何事須雲夢料理平生只此杯

舟中寄子良

廿載楊朱道路歧蕭蕭潘鬢亦成絲子良鬚
髮早白自然同病
關憂樂况是中年重別離楚水楚山添客夢湘烟湘雨
賸君詩子良曾
楚遊雲龍追逐平生願奈此蒼涼獨立時

晚次湘潭

秋洗湘流匹練澄布帆摇曳意難勝暮雲江郭初逢雁

宜黃符兆綸

雪樵

卓峰草堂

疎雨樓臺半上燈，乍可讀騷人竟醉，不知彈劍客何能。
移船來就蘆中宿，累爾漁翁喚不應。

湘水舟中

新愁親切上湘絃，清淚纏綿濕楚烟。
蕙帶蓉裳居士服，蒹花楓葉美人船。
無端煩惱誰曾解，似此飄零我亦憐。
顏色不甘脂粉污，鏡中空自惜嬋娟。

舟夜大風

布帆日暮捲湘烟，安穩纔維旅客船。
滾滾波濤爭占地，離離星斗欲搖天。
浮生獨醒原無味，倦夜多愁更不眠。
秋老寒蘆花萬點，最防吹到鬢絲邊。

卓峰草堂詩鈔

卷三

暮秋抵長沙

二

荒蘆瑟瑟亂飛花，容易新霜點鬢華。
九月暮寒生夢澤，一帆秋色到長沙。
登堂縱倒中郎屣，泛斗虛隨博望槎。
卻使詩情老逾爛，酒杯吸盡楚天霞。

楚王宮殿鎖秋烟，雨散雲荒事惘然。
今古幾篇詞客賦，江湖一櫂酒人船。
淒迷舊夢尋鷗外，細碎閒愁擲雁邊。
岸芷汀蘭餘韻在，行吟一步一纏綿。

贈王心穀

曾向扶桑濯足來，無端蹤跡尙塵埃。
蹉跎青鬢凋潘岳，辛苦黃金誤郭隗。
萬里交遊幾車笠，重陽風雨又樓臺。

商量壘塊填平處雲夢胸中作酒杯

賈太傅故宅

荒祠寂寂掩秋苔太息經時客又來三代而還何治術
九歌之後此悲哀鬼神無狀偏前席絳灌何知亦忌才
回首漢家舊陵闕疎烟冷雨野棠開

去武陵途次作

望望風塵去路長半醒半醉在他鄉無端照我偏新月
到處銷魂是夕陽白雁行邊漁舍冷青山影裏筍輿忙
十年塵土都嘗偏妄想仙源一飯香

湖上客思

卓峰草堂詩鈔

卷三

三

歷亂蘆花作雪飛朔風吹上旅人衣十年湖海飄零慣
千里稻梁心事違雁陣遠隨寒水濶漁舟爭趁夕陽歸
連宵空有菰蒲夢苔冷溪南舊釣磯

回首

鷓鴣啼斷楚南天日聽郵籤次第傳看盡桃花春似水
夢尋芳草路如烟銷魂夜雨偏三月回首東風又一年
苦憶山家燒筍罷竹爐茗椀試新泉

呈家曉峰

其珍 明府丈

宦海浮沈漫是非遙遙湘漢戀慈暉塞翁失馬庸非福

丈以嫌卸武岡州

博士分羊豈易肥

時以大傍常內遷

事未幾民變遂起

闕有心雲北去投竿濯足水東歸阿翁進退還容易太
息無成一布衣

十上春官不中第廣文官冷坐無瓊徵才梁苑悲今日

結客夷門感昔年卅年前丈與先風雨欲沈沽酒肆

江山來坐運租船廿年泉下無人間爲聽談言輒泫然

長沙秋興

卻爲飄零得楚游青山長在水長流一舟聽雨瀟湘夜
雙屐穿雲嶽麓秋花草儘添才士淚江湖先替古人愁
茫茫天意終難問閒擲囊金醉亦休

重過香榭禪院時將與諸舊友別

卓峰草堂詩鈔

卷三

四

蒼莽寒雲壓五峰雨聲黃葉碎重重有人先掃花前榻
謂棠孫記我曾聽飯後鐘生也有涯多聚散歸與何術得
從容溪山明日搖鞭去且看梅花過一冬

連日與吳鏡泉李愚亭傳心徐棠孫鄧竹孫何師

竹諸友聚香榭禪室時予將有吉州之行雨阻

不得去也聊短述

飛揚曾記少年場今口相逢盡老蒼差喜故人貧尙健
無多前路懶何妨諸天梵唄驚塵夢幾處園林換夕陽
賸有豪情消不得肝腸如雪劍如霜

重抵京口

一片春光冷似秋扁舟重泝大江流曾驚風雨魚龍變
尚覺烽烟草木愁終古有人談鍊鎖卽今無術固金甌
金焦兩點青如昨耐可身閒載酒游

雄縣曉發與春舫

重愁吟鞭上柳隄當年意氣豈全低半林殘月冷鴉背
萬里長風生馬蹄自笑本無干世策也知的有上天梯
桑乾殘醉蘆溝夢路太荒荒客太迷

渡江重至京口有感而作

十二年中八度遊淮南風送片帆秋相逢楊柳猶青眼
漸老蘆花欲白頭烽火照天屯戰馬波濤如雪捉閒鷗

卓峰草堂詩鈔

卷三

五

無端減盡登臨興烟月蕭條北顧樓

錢唐江舟中

慷慨重登鎮海樓閒携孤劍上扁舟晚山雲截忽中斷
江水潮生疑倒流且放魚龍眠靜夜徒勞鷹隼擊高秋
十千沽得餘杭酒對此茫茫醉亦休

去臨川有懷亡友祝坪孫

滿眼江湖滿面塵更誰料理客中身笙歌處處銜杯酒
風雨時時夢故人篋裏舊衣空有淚

坪孫曾解
衣衣我

花前衰

鬢可勝春平生知遇如山重徒爾淒涼看劍頻

重遇王鷺汀

保父參軍

會騎匹馬過蘭陵得識詩人王右丞狂草縱橫留白練
好花珍重上紅燈依人都似垂頭鶴得路終輸附尾蠅
爲問青青沂上柳別來愁緒可能勝

蠻雲瘴雨七閩天忽漫相逢意惘然溷跡久從吳市卒
移家眞作幔亭仙却來下吏仍持刺將到神山尙引船
小話滄桑聊盡醉人生有幾十三年

夜過友人

便將詩酒作生涯頻向東牆問宋家半笛涼風生水閣
一尊明月在荷花醉餘調語成天趣閒處光陰閱鬢華
甘苦年時嘗已徧祇思歸種召平瓜

卓峰草堂詩鈔

卷三

六

送吳介眉歸里

回首關雲蒼莽深風塵傲我是山林不經盤錯非奇節
能辨酸鹹卽苦心得失早知隍鹿幻短長且聽驛蟬吟
微官會有歸來日面目廬山倘可尋

七夕

欄外明河一角垂天涯秋信已先知蕭疎靜對梧桐院
榮落閒看木槿籬判事堂空雲借宿敲詩窗冷月來窺
人生巧拙都無著修到生天有別離

寄懷劉左黃

去年七夕題詩處同坐君家花裏筵新月乍生琴榻外

涼雲半墮酒尊前
秋歸南浦悲蓬梗
人隔屏山滯馬鞭
一樣情懷分兩地
幾時相對復陶然

秋感

再遲三日是中秋
佳節頻添遠道愁
空外白雲心上舍
舊時明月夢中樓
半生蹤跡曾無定
百樣艱難那易休
塵劍不磨纓纈濯
可憐河漢近人流

紳民饋米誌感

濟時自顧力難任
翻感斯人見愛深
五斗折腰原我分
一升飽腹卽官箴
催科曾見飢寒苦
每飯無忘穉稼心
安得年年雨暘若
閭閻一例免呻吟

卓峰草堂詩鈔

卷三

七

西齋夜坐示魯兒瑞兒

西齋幾夕無明月
一徑秋蟲作伴吟
漸看星河低遠岫
時聞風雨出空林
新詩瘦入寒花影
舊夢驚回落葉心
書卷在牀燈在几
過時此境恐難尋

冒雨往鄉示諸紳耆

四月山城未出城
清秋的的作山行
雲連野屋炊烟影
雨雜荒林落葉聲
我本耕田粗識字
民知愛樹豈無情
區區莫道馳驅苦
只要能平雀鼠爭

歸途卽目

滴碎簷間夜雨聲
田家最要晚秋晴
稻黃比屋動新色

樹碧孤村生遠情飛鳥漸從烟外沒斜陽猶在水邊明
此行只作看山返帶得山雲入縣城

秋柳

以下四首
課士擬作

斜照依然上畫樓西風千里動高秋殘鴉瑟瑟歸何晚
征馬蕭蕭去未休舊夢難尋歌舞地新愁易動帝王州
永豐坊畔離宮路落葉閒隨御水流

秋砧

萬里奔颺動朔方深閨夢已泣沙場咽殘隴水年年月
寒到燕山夜夜霜金井梧桐半搖落玉關楊柳共蒼涼
無心更唱相思曲紅豆多時冷篋箱

卓峰草堂詩鈔

卷三

八

秋蟲

乾坤早晚已秋風今古蒼涼似夢中伴客宵吟蓬鬢白
催人夜織豆燈紅星霜院落千家掩花草河山半壁空
急管悲絲不同調託身何事入金籠

秋蝶

鶯邊臺榭燕邊樓風雨無端倏換秋金粉六朝何世界
烟花三月舊風流禁寒選夢閒情在摘豔薰香往事休
一笑三生能解脫早尋仙侶入羅浮

重陽述懷

亂山黃葉破烟飛衰草寒花夕照微千里客同今日醉

時妻弟新自故里來一家人著故鄉衣浮沈宦海原非計問訊田園且當歸勞本難辭閒更好年來進退與心違

秋陰 亦課士作

屏除塵事卽幽棲藥裹書籤手自携碧樹遙連官舍晚
青山半壓女牆低流年似水何曾住舊夢如雲只易迷
昨日分明溪上見水花飄落岸花齊

秋齋詩夢午初回踏碎青青一徑苔隔澗烟寒鐘未動
疎林雨歇鳥還來欄前紅葉喂茶竈籬下黃花媚酒杯
閒向山亭夜吹笛要催明月出蓬萊

晚秋夜坐漫興

卓峰草堂詩鈔

卷三

九

夜靜高齋簾自捲了於塵事不相關穿花明月似流水
壓樹凍雲如斷山竟欲披衣坐終夕尋思敲句破餘閒
繩牀紙帳生寒夢只在千巖萬壑間

寄懷包改亭 巽權大令

霜肅山空月倚樓海天離思不能收文章待我曾青眼
仕路逢君已白頭莽莽魚龍沈靜夜盤盤雕鶚起高秋
君秋聞分較且須看劍杯同引李廣當年已不侯

飲酒作

梅花撩亂酒邊開簾捲屏山轉側來聊借白雲偎冷榻
更邀明月注深杯乾坤清氣歸何處滄海橫流想異才

醉發狂言還大笑林猿野鶴不須猜

憶樂蘭史朱舫都門

升沈聚散久難憑懷舊詩成硯欲冰夢見諸君殊不遠
官居七品且無能烟花艷助春城曲風雨寒侵瘴海燈
老卻何哉今幾輩鬢絲休惱一層層

西齋漫興

一徑穿林闢草萊竹蒼松秀日低徊最供閒是詩書味
能鍊貧唯子弟才山裏先春逢好雨花前送臘惜餘杯
便看門種先生柳更喜民淳訟不來

春感

卓峰草堂詩鈔

卷三

十

百里春光袖手閒才微未足濟時艱只除飲酒無長策
便說歸田亦強顏別院樹深鶯早占小堂花暖燕初還
濃青淺綠侵鞦韆昨夜分明夢故山

懷馮子良

垂楊曾繫蠡湖船

子良宰浮梁

逝水俄驚歲月遷有幾故人

成遠別無窮世事逼中年酒邊風雨涼如夢花下笙歌
散似烟新句更番勞我贈開緘爭得不纏綿

別感

百花過盡掩重門情味淒然酒一尊晚渡別催楊柳曲
春山歸斷杜鵑魂稱心好月逢能幾過眼浮雲變莫論

香篆半消簾半捲沈沈風雨又黃昏

題陳叔安字參軍池上草堂

玲瓏窗格逗池光池上迴風小檻涼對面幾家榕樹屋
稱心一榻芰荷香客來儘有鷗邊席官滿曾無鶴外糧
也爲姬隅詩發興平生贏得是清狂

秋興

吹老榕陰笛忽秋蕭條時節漫登樓一襟山海青蒼氣
雙鬢乾坤浩蕩愁失路更誰憐病馬浮蹤似此愧閒鷗
坡頭風雨重陽近買醉還思典敝裘

千里鄉書雁不來西風涼到掌中杯平生恥挾千時策

卓峰草堂詩鈔

卷三

十一

辛苦還營避債臺小草出山無遠志孤桐入爨有餘哀
廿年塵土青衫滿洗向江流得幾回

澀雨酸風味飽諳照人秋水換春潭縱分明月仍無賴
但看垂楊已不堪座有車公應盡醉時無騶子懶輕談
何當煩惱消除盡香火殷勤佛共龕

微軀到處受恩多一劍摩挲喚奈何卻爲榮枯疑雨露
還憑忠信涉風波纔嘗宦境心先淡久別家山夢易譌
清絕百花洲畔水等閒拋卻釣人蓑

寒夜不寐偶成

無端百感靜中生鄉夢初回海上城別館簾疎容月色

荒園樹老換風聲未甘落拓稱詞客不覺疎狂得酒名
到耳寒雞啼喔喔天涯一倍壯心驚

積雨東劉星查兼憶包改亭高南卿

塵海茫茫不繫舟一尊濁酒漫澆愁鬢毛陡換貧兼病
風雨爭來夏似秋儘爾苦吟添著述知他何術到公侯
眼前萬種成蕭瑟更爲懷人怕倚樓

贈胡小牧

袞袞紅塵老據鞍功名贏得齒牙寒

謂君尊人牧堂先生

析薪未

墮家傳業入粟聊充縣補官後約烟波歸賀監循常鹽
鐵問桓寬西山爽氣朝朝挹多少詩情在倚欄

卓峰草堂詩鈔

卷三

七

龍文虎脊並需才顧影昂昂駿馬來

惠安巖邑也時
乏宰君任之

肯

與塞翁論得失爲思伯樂劇悲哀從來世事如棋局大
好人生有酒杯回首千重萬重樹斜陽早冷舊金臺

盈盈南浦水增波花月西濠豔放歌記曲已憐紅豆少
相思爭奈綠楊多漫疑豪士耽絲竹終見佳人出芘蘿
特向仙家問消息女牀有樹近如何

當筵意氣早相傾心膽唯應燭共明避道怕逢新鹵簿
裁書聊答舊公卿鷓鴣枝在身原寄胡蝶花殘夢自驚
卻笑狂奴猶故態劍鋒挫盡筆鋒橫

初秋漫興

看山聊掃眼中塵宦海誰爲自在身儘著筋骸支世故
遺山未知肝膽向何人秋風昨夜生庭樹細雨多時夢
渚蕪簡點舊衣還稱體未忘負荷是清貧

秋堂

徘徊窮鳥託卑枝閒淡幽花綴短籬門外漸稀人到迹
案頭常有自圈詩阮狂嵇嬾皆千古穀是臧非各一時
不爲打窗多落葉秋堂午夢醒猶遲

別館

別館西風夜夜寒客愁鄉夢每無端貧猶賣賦憐司馬
熱不因人笑伯鸞世路狂唯添蹭蹬家書嬾更說平安
卓峰草堂詩鈔 卷三 三
多時不放登樓眼瘴雨蠻雲任鬱盤

秋感

商聲萬樹破空來今古關消酒一杯風月依然聊借客
乾坤如此合生才蕭疎楊柳秋何瘦爛漫芙蓉晚自開
去掉扁舟狎鷗鳥高歌嬾上釣龍臺

秋日雜感

回頭歲月莽榛蕪溷跡微官計已粗窮到一身難自了
眼前百感與人殊終緣碌碌無成事敢道揚揚不丈夫
卻怪古人寬退步一簑烟雨便江湖
卓望峰前掩破扉山妻早製臥雲衣尋來蕉鹿原無夢

說著蕪鱸便當歸此日方知負薪樂幾時真得食糠肥
縱饒舊業先人守空補南陔東廣微

寓公庭院只蒼苔步履閒行日幾回雨久也防秋井塌
花遲還傍短垣開依樓有樹鳥先占倒橐無糧鼠不來
仍賴同時舊賓客典衣沽取酒盈杯

湖海琴尊跌宕間而今攬鏡換衰顏已能世上馴龍性
何事人前露豹斑不朽名終歸寂寞無窮福總讓癡頑
漫漫秋色中原冷一笑旗山更鼓山

吳宮歌舞楚宮腰儘藉歡娛慰寂寥觸我當場千點泪
憐他末路一枝蕭關山浩蕩迴金勒風雨尋常葬翠翹

卓峰草堂詩鈔

卷三

古

不信樊川夢真覺一番振觸一魂銷

結習何難百掃除浮生一念怕情疎班生食肉原無相
江令還家早不如縱跡自尋游俠傳蕭條誰寄茂陵書
蓬萊合有忘憂處去跨琴高赤鯉魚

登釣龍臺

閒邊夕照上孤筇高借天風盪此胸惠子猶然誇腐鼠
葉公豈解好真龍霞紅絕嶺關門壯水黑重洋海氣濃
可惜千年形勝地黃金買種只芙蓉

呈少香丈

高樹元蟬早送涼枯禪坐破木犀香百年天地悲秋土

萬里風霜赦夜郎

丈時奉赦

人似休文原善病我知老阮

不輕狂仙源舊路分明在怕向尊前說故鄉

萬卷撐腸不療飢故山空感藥苗肥古而無死亦何樂

我縱有家安得歸

丈詩云便教歸去已無家

鶴病那堪迎客舞鷗閒

只欲背人飛蠻烟瘴雨紛如織一點靈光寶少微

旅夜書感

沈沈寒夢破雞聲燈火三更雨四更似此殘年仍遠道
早知誤我是浮名風波海上狂誰挽草木山中老自驚
屈指梅花連夜發雪橋驢背負詩情

留別雨亭

卓峰草堂詩鈔

卷三

五

開過梅花客亦歸餘香猶自戀征衣青山百里登樓在
白髮三年對鏡非容易俠腸逢酒熱尋常溷跡喜官微
置身倘有誅茅地抱甕區區願息機

宿村店

歲晏勞勞復此行荒涼村店夜三更山深怪鳥作人語
樹罅大星爭月明傲骨鍊餘詩外瘦塵心洗到酒邊清
枕流漱石平生願慚愧人猶識姓名

遣懷題館舍壁

坐來風雨又瀟瀟捲卻殘書更寂寥閱世轉思貧有味
長閒未必福能消榮枯咫尺階前樹起落尋常海上潮

羅網近時勞數澤莫鸞鳳赦鴟梟

白桃花

回頭春淡隔溪村一曲溪流寫別魂便去山林須本色
況經風雨更無言閒情約略珠能記老境蹉跎玉不溫
遠近寒雲高下雪知從何處返仙源

春陰

一分春帶一分寒如此韶華倚醉看楊柳綠齊烟未動
海棠紅重雨初闌儘饒客枕曹騰睡多謝鄰箏子細彈
釵釧分明羅袖卷最銷魂是舊闌干

讀方子固小嬋媛閣遺詩

卓峰草堂詩鈔

卷三

六

談罷窗雞腐案螢載將春夢上吳舫江山落筆情都豔
花月當場酒不醒賴有美人相慰藉斷無才士不飄零
如絲清氣歸何處鶻血紅殘墓草青

次韻答邱雪蕪秀才

典衣沽酒過清明觸撥尊前故國情往日桃花潭上種
多時芳草渡頭生江湖易散閒鷗影風雨催歸謝豹聲
記取闌干吹笛處榕陰如畫罨春城

夜飲示同座

酒綠燈紅劍氣青且憑談笑慰飄零當年濫學屠龍技
萬古誰傳相馬經風雨如山沈旅榻烟花似海盪旗亭

一官準擬無成事判與頽唐醉不醒

白桃花次韻

病慵開眼豔陽辰羣玉峰頭忽降真
遲日園林猶掃雪東風簾幕不生塵
梅花讓爾成仙眷柳絮知予是恨人
一樣傾城好顏色獨憐憔悴鏡中春

漫感

戚將軍死無良將越國山川酒一尊
從古華夷資重鎮多時旗鼓掩中原
蒼涼落照街烏石浩蕩長風撼虎門
腰下陸離三尺劍誓將踏浪斬蛟龍

夜過吳瀛坡

卓峰草堂詩鈔

卷三

七

雙修雙謫到人寰別淚俄成竹點斑

瀛坡有愛姬之悼

半臂尙

存香篋冷一棺長掩畫堂開
來敲楊柳門前月同話梨花海上山
得便商量行樂法神仙不學學癡頑

春意

半怯春寒柳樹枝梨花落盡下重帷
縱留春住身多病怕說人歸髻有絲
萬事浮雲憐綠蠹三生如夢話黃鸝
鴟夷一舸猶遲在大好湖山付與誰

客散

畢竟儒生味帶酸坊芹園韭漫登盤
醉餘雙眼乾坤小客散一樓風雨寒
自有軒窗堪寄傲何勞書札勸加餐

閒來更濯扶桑足，揀取珊瑚挂釣竿。

送黃雨如明經歸里

看徧東南海上山，馬頭新月唱刀環。
江湖酒醒初迴櫂，風雨人歸更掩關。
六代風流珍白袷，十年塵夢換朱顏。
獨憐無計還鄉客，淚盡蠻烟瘴雨間。

春晚漫感

如水樓臺漲綠陰，寓公花月換園林。
溪山振觸三年夢，風雨消磨一寸心。
舊酒澆殘燕市筑，新詩淩入雍門琴。
春來白髮添多少，不奈閒情老更深。

待覓人間御老方，神仙莫說事荒唐。
唐蟬蛄啼處松仍健，

早峰草堂詩鈔

卷三

六

鷓鴣來時草不芳，未卜歸田平子病。
休嫌罵座灌夫狂，麻姑昨寄山中信。
問種蓬萊幾度桑，

轉綠迴黃各有因，會須拔腳出紅塵。
鋤苗可得容非種，屠火何曾悟積薪。
粉墨爭摹優孟態，衣冠偶現宰官身。
思將一滴楊枝水，灑徧當場得意人。

收拾光陰付嬾窩，算來行樂未蹉跎。
懺除綺語花還笑，指點衫痕酒又多。
修禊水邊紅贈芍，賣珠山裏綠牽蘿。
尋常化作莊周蝶，雙宿雙飛奈爾何。

初夏

春去黃鸝半嬾鳴，居閒几榻有餘清。
讀書那可無胸次，

嗜酒還疑各性情數畝池塘萍葉長
幾家樓閣柳絲輕
絕無人處闌干在惆悵斜陽分外明

建甯晤張雪君大令卽別

曾袖烟嵐九曲行溪流想見長官清

昨歲游武夷適雪君宰崇安未過訪

閒看百里花含笑倦使三年鳥不鳴
心上好山猶踴躍眼前去路正縱橫
沈沈酒綠燈紅夜忽漫相逢劍有聲

夜窗漫成

淒涼一枕又深更半欲天明半未明
過雨階前仍月色未秋窗下已蛩聲
悠悠時節當杯去歷歷溪山引屐行
曾向天游峰頂坐胡麻香尙夢中生

卓峰草堂詩鈔

卷三

九

道旁松樹有臥而未僵者感賦

曾似蛟龍不可捫費他雷電拔孤根
微生豈免泥塗辱未死還思雨露恩
百尺孤桐危入爨萬竿惡竹亂遮門
誰與不惜扶持力養使乾坤正氣存

卓峰草堂詩鈔卷十四

宜黃 符兆綸 雪樵

過滋桂園贈友人羅檀勳

一席名山好自尊，臧非穀是早難論。
文章幾輩矜花樣，事業終年咬菜根。
偶爾林泉閒著屐，尋君風雨數敲門。
興來沽取村醪醉，珍重田家老瓦盆。
溪山落筆氣清蒼，好借寒詩洗熱腸。
本是岑岑同臭味，况兼叢桂閱風霜。
宦情自信嵇康嬾，禮法難拘阮籍狂。
誰爲先生摹小像，烏紗白葛道衣涼。

遣興

卓峰草堂詩鈔卷西

無事經旬不啟關，圖書雞犬屋三間。
早知薄宦艱生計，尙有幽人數往還。
烟重半沈疎雨樹，雲開全放夕陽山。
今年大有堪誇處，不負秋來水石閒。

憶少香丈

今年不住瘴雲鄉，畢竟林泉味較長。
露洗星河終夜潔，月迎關樹早秋涼。
吟餘海上離枝曲，拾偏山中杜若香。
難忘高樓同倚笛，酒尊劍氣斂光芒。

喫粥作

忽聚童孫笑語聲，烟疎瓦屋雨新晴。
半生甘苦貧能忍，百種浮沈事不驚。
書卷未拋常早起，閭閻相慶喜秋成。

還須分與雙弓米多少流亡道上行

是歲沿江諸郡多水患

歲將暮竹人有楚北之行予亦適閩詩以志別

風雪漫天去放舟盤盤關樹望雲樓難期鄉里知孫楚
誰向塵途識馬周醉踏白龍滄海渡閒招黃鶴武昌遊
提携行橐添新句不羨人間萬戶侯

一曲途次詠烏

滿眼兵戈百感攢西風旦夕響林端丈人有屋原堪愛
戰士無衣倍覺寒雨雪關山紛轉餉冰霜天地獨憑欄
一枝堪借聊棲息回首江湖覓食難

再冉邵武舟中

卓峰草堂詩鈔

卷古

二

再冉寒香上做裘梅花幾樹夾溪流人逢初雪頻思酒
天與新晴快放舟斜照紅邊看旅雁疎烟白處下汀鷗
娟娟詩話樓前月曾照題詩在上頭

舟中漫興

一曲晴江雪後流峭寒千里在孤舟杉蘿綠結巖前屋
燈火紅生水上海故國回看幾行雁長途相識半沙鷗
越臺明月多時冷爛醉還思典故做裘

夕照

夕照蒼涼萬壑陰丹黃一半換青林美人遲暮餘騷怨
倦客登臨費越吟鷺立灘頭知水淺雞鳴樹裏覺村深

扁舟遙夜寒生夢詩境微茫轉耐尋

孤舟

那得抽刀斷水流蒼茫人自立孤舟但逢明月還思酒
何處斜陽不下樓落落人才關一代時携張亨甫詩卷沈沈懷
抱鬱千秋螺江東去鯤溟澗擬借天風作浪遊

道山亭

方丈蓬萊在何處我來閒覓道山亭出天孤塔倚雲白
奔海長江搖樹青別塢桃花疑可種崇巖幽薜欲通靈
且從石上蕭寥坐得便彈琴與鶴聽

游烏石山歸適少香丈以詩見示次韻奉答

卓峰草堂詩鈔

卷五

三

偶共桃花笑出林卻尋山水得餘音風生絕壑松濤壯
雲護層巒石氣沈湖海久請名士味桑麻時證野人心
如何臣里難歸去越客相逢只苦吟

登釣龍臺寄郭仲和應辰大令

何事王郎斫地哀自携孤劍上層臺蒼雲大野高鷹健
白浪荒江怒馬來詩卷橫腰仍敝帚釣竿放手卽深杯
紛紛費盡黃金買憔悴人間老郭隗

閒情

梳茗爐香坐臥宜閒情疊疊上琴絲竹邊舊鑿泉雙眼
花外新描月一眉胡蝶偶尋圍吏夢薔薇愛誦女郎詩

莫教春去多遺恨行樂如今未是遲

傷春

花月干場付醉歌舊垂簾處帳垂羅人憐抱病風情減
詩爲傷春豔體多錦瑟拋來年又長玉簫吹徹夜如何
東風扶起池邊柳故倚紅欄送眼波

春晚

勞爾鶻啼勸早歸負他雙蝶入簾飛半窗寂寂紅初褪
一院陰陰綠又肥楊柳風情今異昨除醺香夢是邪非
南朝燕子曾相識惆悵東風白袷衣

東瀛坡

卓峰卓亭詩鈔

卷西

四

贏得閒身數往還酒尊佳興未全慳人間花月涼於水
老境冰霜重似山一戰蠻方斂旗鼓十年樂府唱刀環
茫茫前路終何似覽鬢蕭然我亦斑

感事擬義山

爭把黃金買莫愁襄王雲雨夢中收河聲直倚蛟爲室
海氣俄驚蜃化樓蓬島烟霞娛服食玉山花月紀春秋
釣竿去拂珊瑚樹莫怪塵中屢掉頭

寄題山中老松樹

怪石嶙峋久託根欲求大匠向誰門常時盤鶴山風大
一夜化龍溪雨翻鐘磬沈沈何代寺桑麻鬱鬱舊家村

不須惆悵才難用天許巖阿也是恩

贈別李桐山

鞅掌風塵老一官十年海上看鵬搏酒情慷慨逢人易
劍氣縱橫入世難轉眼榕陰換樓閣關心芳草送征鞍
但期別後加餐飯瘴雨蠻雲久耐寒

檢自作詩感成

新詞偶付雪兒歌那有香名艷綺羅少日風雲徒氣壯
中年絲竹奈情何江湖酒盡青衫冷花月魂銷白髮多
禿盡毫尖乾墨瀋明明心血共消磨

七夕

卓峰草堂詩鈔

卷古

五

浩浩明河萬古流酒邊一笛動高樓星辰天上難爲夜
風月人間易到秋紅藕花疎蝴蝶冷碧梧枝老鳳皇愁
年時懶乞蛛絲巧瓜果空庭漫不收

秋夕憶弟惺園楚北

嶠雲江樹已成秋涼到西風一笛樓雁外關山游子恨
蛩邊燈火古人愁尙平婚嫁何時了表聖功名只合休
辛苦手中慈母綫莫因嗜酒典輕裘

弟素嗜飲

漫興

臺金荒冷骨誰收病馬驕嘶更絡頭涼月關山橫笛夜
晚風邊塞搗衣秋蒼鷹掠地雄無狀黃鸝摩天健亦愁

買得笠蓑歸便好是非不到水邊鷗

小西湖尋秋

閒趁斜陽上釣磯水鄉愁思動霏微半紅楓葉人初醉
全白蘆花客未歸天意莽迴南渡雁詩心淒入北山薇
如何一片湖頭月只照年年泪濕衣

舊事

花裏簾櫳樹下絃箏紋如水帳如煙共看明月仍千里
孤負涼風又一年舊事分明要雜佩新愁重疊在蠻箋
螺江秋柳依然綠空記長條繫畫船

舊遊

卓峰草堂詩鈔

卷古

六

越水吳山破旅愁醉殘佳日幾春秋蘋花白處頻移櫂
柿葉紅時並倚樓神女生涯雲易散仙家圓滿月難修
篋中重疊相思字檢向燈前憶舊遊

江樓晚望

醉擁闌干水上頭山川蕭瑟助高秋因人碌碌公何事
對此茫茫我亦愁落日蘆花迷故壘西風蕪菜阻歸舟
問誰百怪然犀照温嶠終推第一流

重九夜獨酌

更嬾登臨懷故國并無風雨阻佳遊閒邀明月成孤酌
病看黃花過一秋卻憶去年真似夢

十餘年重九皆在客邊唯去年在家

忽逢佳節倍添愁蕭蕭四壁沈沈夜蛩語纏綿未肯休
秋夕掩卷感而有述

萬里西風海上城樓臺樹樹擁秋聲誰知阮籍窮途哭
莫怪劉伶荷鍤行虎豹幾家餘子弟犬羊一代有公卿
殘書讀罷添惆悵冷看蠻天片月生

詠古述懷

將軍令肅敢枝梧誰起蒼頭奮一呼每飯未嘗忘鉅鹿
尺書何至嫚匈奴賈生厝火憂時事揚子雕蟲媿壯夫
袞袞諸公謀肉食陰符曾問鼓刀無

獨使至尊憂社稷千秋悵望渺愁予朝廷那易安無事

卓峰草堂詩鈔

卷五

七

宰相還須用讀書旭日丹山儀彩鳳秋風滄海偃鯨魚
唐虞自是人間世況此梯航古不如

鶴書纔赴馬如飛毛羽安知腹背微每怪模稜談大政
可能磨盾解重圍狐容易成憂讖市虎原難辨是非
咄爾捉刀人已去從今只辦食言肥

英雄髀肉不須捫漸老馮唐怕受恩自要長城堅道濟
何當高閣束深源藏身賴有烏皮几作業甯辭犢鼻褌
領取十年好滋味紅爐煨芋火猶溫

秋夜有憶

閒閒星漢轉危樓簾幕凌寒偶上鉤明月久拋花徑夜

碧山空倚草堂秋百年曾酒重陽節丙子九月七日生日若箇書生萬戶侯有盡光陰無盡劫欲休誰是便能休

酬施可齋

浮雲聚散本無端高館張燈話夜闌傾倒應劉好才調

指揮屈宋作衙官

去歲相晤光澤幕中卽席得讀大著

西湖明月行吟滿

東閣梅花再到寒

君旋以鄉試返浙及予冬暮重抵光澤君報罷猶未還也

灑徧秋

風遼海汨文章知遇古來難

策馬霞紅嶺上關綠榕城郭畫圖間便甘沈飲非無故不換浮名是此閒拓筆波瀾橫大海閉門風雨坐名山憐予竊比嵇康嬾所事難堪一例刪

卓峰草堂詩鈔

卷五

八

淘洗胸中萬斛塵好詩乍見且嘗新

用宋

淮南漫說能

招隱鄰女何堪苦效顰吟過鶯花聯社約料量鮮菜補

家貧風濤滾滾琴絃在願就成連一問津

說著鱸魚宦味稀沐猴冠帶是邪非妄言此座公眞醉小買扁舟我欲歸楓葉紅時山已瘦蘆花白後水仍肥一蓑一笠平生了鷗鷺盟尋舊釣磯

連日與同人飲醉後漫書

落落人間幾酒徒秋涼判得醉工夫百年風雨茅龍屋萬頃烟波稻蠡湖潦倒豈堪爲世用商量只覺此籌輸無端更雪英雄涕擊筑聲沈弔狗屠

聞粵西警

人海浮沈歲月遷，冰霜作意厲戈鋌。未忘蒿目憂時事，豈合垂頭過盛年。俗吏簿書羞報

國將軍，笳鼓競臨邊。七擒要使南蠻服，

聖武煌煌策萬全。

聲勢投鞭果是非，須令草木懾餘威。皇天不是空垂象，大地何堪屢潰圍。退食從容操勝算，分符倉卒履危機。南邦久墮芙蓉瘴，不見軍行戰士肥。

月夜南臺

突兀鄉心并上臺，側身天地獨銜杯。月明江路潮初落，

卓峰草堂詩鈔

卷四

九

雲暗山城雁不來，蟻蝨可憐憂匪細。干戈未定老相催，何須苦抱飄零恨。今古銷沈幾霸才。

閒居偶述

七閩江海寄閒身，八桂風霜雜戰塵。慷慨祖生空擊楫，飄零杜老漫沾巾。早聞列市緡錢匱，空說如山窖粟陳。富貴從來有衣鉢，不爲頑鈍也因循。

猿鶴沙蟲化去多，難將劫數問恒河。可能殿上調停策，便抵軍中勅勒歌。城闕霜嚴號畫角，關山月落枕瑤戈。樹猶如此看楊柳，馬上英雄奈老何。

滾滾風濤壯虎門，千年形勝至今存。樓船見說能飛渡，

陣馬何緣竟數奔幕府籌邊無善策書生憂國有空言
可憐蒲伏淮陰市餐飯思酬國士恩

藏過頭銜署醉侯一尊翻動古今愁獐頭鼠目能無狀
羊很狼貪果善謀敢薄王戎爲俗物徒誇衛玠是清流
當機立斷談何易脈脈無言看蒯緱

次光澤

記挂征帆趁雪時重來又是一年期樹皆黃葉雁爭語
人欲白頭鷗未知到此鄉心正無限得歸茅屋敢嫌遲
行囊帶得寒香去關上梅花開幾枝

携子弟輩探梅西溪卽贈韓山人

卓峰草堂詩鈔

卷古

十

東郭何嫌曳履行新詩要證雪聰明林環十里溪山影
花隱全家笑語聲人外敲門涼月到香中拄杖好風迎
冰霜鍊入枯腸味我亦浮雲世事輕

南昌旅舍與應西垣

奎學博話舊並詢及少香丈近况

黃金久冷舊燕臺東去頻聞病馬哀海上蛟鼉時出沒
山中猿鶴盼歸來蘭成詞賦憐枯樹阮籍功名誤酒杯
試上滕王高閣望江湖滿地幾人來

南州與馮子良司馬別

一回相見一回老况是東西南北人

前十年別子良句未成篇十載

此言猶在耳一官何術得容身酒邊風月纔無恙筆底

湖山漫鬪春烟水蒼涼孤櫂散再來

滕閣 子良時寓

滕王閣

題別南昌酒樓

春雨寒生江上城江樓長笛故飛聲
卻除飲酒忙何事翻怪題詩浪得名
牛斗沈沈消壯氣龍沙黯黯動離情
一杯澆向章門水要爾波濤怒暫平

于役閩南途次卽景有作

多時不問城南路短堠長亭一半荒
雕外黑雲盤海氣馬前紅日擁山光
幾人曾善平邊策吾輩空談廣武場
一笑臨風酌杯酒蠻天旗鼓自堂堂

卓峰草堂詩鈔

卷十四

十一

腐儒

東南海水日滔滔蜃結樓臺氣象高
控地鸞鳩偏解笑當關魚鼈盡能豪
不妨船到風常引其奈珠沈月莫撈
誰道腐儒身手拙獨憑杯酒莫狂瀆

漫興

漆園一夢醒遽然賸想非非想處天誰遣
鸞凰猶侍從卻疑雞犬亦神仙
芭蕉自種窗前紙荷葉閒拋水上錢
擬把深心訴明月涼風淒上七條絃

天河

靈槎萬里到應難親切河源隔座看待
向人間洗兵甲

從來天上有波瀾影隨月中宵正氣作流雲別浦寒
蕭瑟邊城秋又動獨聽砧杵倚闌干

月夜

雲淡星疎夜氣清海天風定月孤明沈沈大地山河影
莽莽邊城鼓角聲伏處魚龍應不睡倦栖烏鵲自多驚
杜陵勳業頻看鏡白髮閒添太不情

送胡小牧宰浦城

笙歌隨分度流年回首樓臺豔若仙紅藕自香神女館
綠楊重認長官船先宰建陽胡威家世清名在江令才華綵

筆傳殆要於民知疾苦黃綢被裏莫安眠

卓峰草堂詩鈔

卷四

七

初秋飲酒作

一片涼雲萬里秋幾回清嘯在高樓干戈易盡征人泪
帷幄難寬

聖主憂徒見風塵出鷹隼可堪鞭策誤驂騑儒生身手
閒無用醉折花枝當酒籌

塵中何處問蓬萊料理生涯尙此杯五夜涼風激砧杵
幾家明月豔樓臺箋天心事愁真宰斫地哀歌想異才
自信成仙緣分淺仙源寂寂枉重來

笑對旗山並鼓山漫憑形勝控諸蠻九關虎豹威何壯
四海魚龍力亦孱幕府從容恃恩寵

詔書珍重恤恹平生後樂先憂者竟爾論功裏革還
謂林文忠公

蕭蕭梧竹露華溥長笛携來一倚欄世事方爭火牛壘
名場眞戴沐猴冠頭顱已老狂何惜心膽無聊醉亦難
莫怪吟蟬多苦調最高枝上不勝寒

秋吟和琴航

來往柔鄉更醉鄉風流一夢太荒唐六朝花草多哀豔
幾處林園賸夕陽傲吏不嫌風骨冷狂名留在畫圖香
從今洗得鉛華淨閒著銖衣趁晚涼

秋蝶

秋情爲爾益纏綿添得離騷賦一篇半壁江山嬉宰相

卓峰草堂詩鈔

卷古

三

萬家燈火泣嬋娟月欄梧影涼於水雨砌苔痕澹欲烟
好向泥深安螻屈不平心事又誰傳

秋蛩

庭院無人秋又深碧沈沈處一蛩吟如珠細雨閒花綴
似剪西風落葉侵宮巷條條生暮色山林寂寂抱冬心
何由遮得紅塵斷安穩閒眠七尺琴

秋苔

雷塘風雨久飄零賸有人間處土星書味漸深頭已白
客途相見眼尤青重重池沼涼花晚莽莽關河腐草腥
想到沙場新戰死鬼雄殘魄獨熒熒

秋螢

昨夜灘頭水漫波幾回小立傍漁簑有人雪鬢清如此
似爾風標冷奈何霄漢高飛曾不少江湖同伴已無多

忘機只許沙鷗共未信人間有網羅

秋鷺

風塵誤爾不凡才一盼青雲倦眼開
狐兔草間何太橫
犬羊海上漫相猜
將軍蕭瑟遺空壘
壯士蒼涼倚暮臺
此亦飛而能食肉問誰萬里解繯來

秋鷹

誰倚闌干笛一枝月明樓上已多時
蠻花疋鳥新征成
衰柳寒雅古別離
萬里烽烟慘行色
五更鼓角助餘悲
有人高寄雲中調
碧漢風涼鶴去遲

秋笛

爭得塵消大漠寬
鶯花往事悵雕欄
乍停疎雨梧桐老
無補斜陽橘袖寒
野曠貔貅屯萬竈
山高烽火鬱千盤
功名便作麒麟想
恐有旁人冷眼看

秋烟

卓峰草堂詩鈔

卷六

古

暮春途中

遠道春深倍憶家
依然書酒是生涯
東風一路長芳草
夜雨滿溪流落花
艱苦要人牢著腳
性情於世久聲牙
何時手版真拋得
坐我東湖舊釣槎

園居卽景

上階新水如潮湧
過檻陰雲挾雨涼
濃綠陰人成夏屋
老紅對我洗春粧
回頭賓客車公座
袖手林泉賀監囊
飛入疎簾有胡蝶
卻疑園吏是蒙莊

舟中寄沈旭齋秀才

小住方同燕作家
河梁分手又天涯
一舟自笑輕於葉

雙櫓無端背指花絳蠟燒殘仍夢蝶紅螺酌罷屢塗鴉
同人多伺潘郎三十多才思珍重閒居鬢未華
予醉索書

寓館遲姬人船不至

雙宿雙飛本不疑烟波淡蕩燕差池記攀楊柳猶前日
看放荷花又幾時顧我馳驅甯得已累卿飄泊轉堪悲
青山兩岸螺江路苦爲何人叫畫眉

驛柳

新水盈盈上驛流照將眉黛不勝愁折腰塵土無高士
過眼功名有故侯飛絮浮萍雙槳泊曉風殘月一鞭抽
誰家夫婿歸能早倚偏江南少婦樓

卓峰草堂詩鈔

卷四

五

將樂縣梁家水閣

三月春光付浪遊肩輿來憇古鏞州烏當斜日羣栖樹
人看閒雲獨倚樓從古衙官多屈宋祇今才調幾應劉
壁間揚長官詩甚佳無端百感茫茫集直欲抽刀斷衆流

示劉香雪

瑤草琪花渺十洲竭來相見荔支樓我防俗客常稱病
君作閒官亦早休香雪曾爲教官白鶴迴看孤嶺峻烏龍直下
大江流香雪隨莘農學使襄校試卷七閩始徧無端拊髀猶多恨八桂烽

烟莽未收

月夜獨坐

月照樓頭烏半飛一城斗大萬山圍濟時從古無良策
報

國何曾到短衣堪笑此身難自了只饒與俗已多違不
須苦作田園想偷得餘閒便當歸

晚過拜石山房重贈主人吳郎中

本是栽花舊使君重來尊酒快論文高梧亭館延秋月
小榻軒窗掃夜雲愛我浪傳諸父老逢人休說故將軍
可憐萬里封侯筆携向騷壇自策勳

新秋海上

飄零一掬涕難收獨立蒼茫海上樓五虎風濤生靜夜
卓峰草堂詩鈔卷十四

六

百蠻天地入新秋微官尙愧陶稱隱名將從來廣不侯
曼衍魚龍偏作戲更無機事只沙鷗

徵糧在鄉漫賦

清濁泉流冷眼看出山心似在山難敢誇飲酒卽名士
須信得錢纔好官細雨蠻花濃別館西風海樹冷荒壇
榻來一拂祠前過誰繪流民策治安

鄭監門歸餘一拂
人稱一拂先生祠

在祀
清

海望

艱難欲濟待如何海上經時雜醉歌鹿耳雲寒秋樹薄
鯤身風急夜潮多班超骨相空投筆越石功名漫枕戈

飄泊南來有鴻雁教人不敢問黃河

晚抵漁溪行館

一官蟻蝨有何稱塵網牽纏謝未能斜日堠兵秋警柝
冷風山鬼夜吹燈檐深笑讓蜘蛛隱室暗紛容蝙蝠騰
便當禪堂觀也得此身原是打包僧

遊福廬山

山多葉臺山相國別業

城南古路入烟霞別墅猶將太傅誇一代功名藏諫草
百年池館見閒花日斜雲鎖山門石天濶風搏海岸沙
我欲鞭龍起雷雨人間利澤徧桑麻

山有龍頭洞
時頗憂旱

再過福廬山夜憩僧寺

卓峰草堂詩鈔

卷古

七

住山福是幾生修佛有因緣結再游寺僻雲栖孤榻冷
巖空月下古臺秋天門浩蕩迴雙屐屐瀛海蒼茫注一甌
要洗新詩清到骨靈泉夜半向龍求

海鄉秋感寄何師竹

匡時無術愧專城更覺憑高鬢髮驚雲樹蒼茫沈夕照
風潮日夜作秋聲乍容對酒輸肝膽誰與談詩見性情
喚起魚龍吹鈺笛海天萬里月孤明

新月

多時一夢醒繁華的的還鄉路不賒閒看暮雲歸遠岫
未知新月照誰家星河半隱檐前樹風露孤擎砌畔花

道是爲官厭拘束狂吟爛醉卽生涯

紀夢

夢至某園前與憐卿游處

大半銷魂是夕陽低徊人影復衣香籬根敗葉幽蛩訴

簾側疎花瘦蝶涼已分生涯寄歌曲年二十餘未嫁更堪死別

換文章前後以詩甲之不下十餘首羅浮一夢師雄醒月落參橫自

曉霜

舟夜贈彈箏人

無端回首一凄然飄泊江湖又幾年雁外天空涼有月
鷗邊水淺淡無烟卽今落拓猶尋醉何處生涯不可憐
萬種消磨情不死殷勤付與十三絃

卓峰草堂詩鈔

卷四

六

海樓看月

望海樓前月乍生浮雲掃盡萬峰平浪高欲挾蛟龍起
樹冷遙知烏鵲驚有客酒尊催夜興誰家砧杵送秋聲
翻營忽憶征南士玉帳光寒鏡甲明

海上寄少香丈

多時滄海一帆收花月春秋百尺樓况有神仙爲伴侶
未妨賓客老諸侯中郎倒屣迎王粲馬援乘車感少游
看到風波如此惡漁汀閒煞羨沙鷗

索居

庭樹秋高葉漸疎飄零宦况又奚如山川到處閒供酒

風雨無端想著書白髮上頭何太早黃金去手已無餘
荒荒驛館雞鳴夜自撥寒燈賦索居

秋花一樹行將悴矣詩以惜之

夕陽只欲近黃昏池館風疎酒不溫閒與病蛩商冷語
偶來癡蝶弔芳魂垂垂紅豆貪生子宛宛青蘭笑抱孫
不種日邊與天上此生憔悴更休論

海樓晚望

愛携雙屐自尋幽意外憑高得此樓風雨更移山左股
波瀾不盡海東頭天低大漠重洋暮地接窮荒古戍秋
勳業多時慙對鏡無端笳鼓使人愁

卓峰草堂詩鈔

卷古

九

憶舍弟惺園

海上經時斷尺書近來餬口計何如一傾官閣消寒酒
旋走郵程薄笨車飄泊怕逢彭蠡雁栖遲貪食武昌魚
間隨常中丞重遊楚北風波閱盡千重險我更蕭條鬢髮秋

月夜

碧天如水夜雲輕樓笛參差倚月明秋色早催梧葉老
晚涼初傍桂花生關山南度勞鴻雁河漢西流洗甲兵
自辨牀頭一壺酒胸中壘塊也須平

卓峰草堂詩鈔卷十五

宜黃 符兆綸 雪樵

以事至鄉書即目

十年舊侶別漁樵逢著溪山興便饒風定閒雲低壓樹
雨餘別港曲通潮林間雞犬聲何樂海上蛟鼉氣太驕
海風激水沿岸居民有受害者畢竟不如歸去好自携杖履過溪橋

春感

蕭瑟乾坤老大身酒酣往往一傷神包茅不克懲荆楚
捧土何勞塞孟津未必魯連天下士可堪朱亥市中人
行鞭且慎牛羊牧柳眼花鬚各自春

卓峰草堂詩鈔

卷五

聞漢陽武昌失守江西戒嚴

國恩深處恬嬉久烽火荆蠻逼九江萬壑龍蛇爭起伏
千林虎豹各紛麗家山竊幸貧無恙心膽誰知老未降
卻怪諸公圖報晚軍門綏載樹旌幢
老妻弱子平安否斗米風塵苦折腰三月山中斷消息
一官海上極蕭條尙憐道遠驅羸馬枉使天寒急皂雕
生意卽今春寂寂難將身世問漁樵

豆區園與姬人飲酒

次第探春曳履行况兼佳日又晴明花當酒盞紅無賴
樹在鄰家綠有情新水鳧眠食穩好風胡蝶往來輕

莫嫌醉態頽唐甚贏得人呼柳七名

鄉行漫成

溪山都到閑邊好烏帽還隨醉態斜遊宦光陰幾芳草
野人籬落半桃花好將雞犬平安住應笑鯢鵬變化差
識字耕田吾願足十年悔不事桑麻

冶春次韻

風流不見漁洋叟爲問揚州屬阿誰白雪調高燒燭短
紅橋春漲泊船遲酒旗歌板會三月人影衣香又一時
回首可憐金粉地青青楊柳漫垂絲

聞江南警

卓峰草堂詩鈔

卷五

二

烽烟何處有堅城枉說南徐北府兵華屋邱墟春燕睇
叢祠篝火夜狐鳴尙憐山王金陵氣爭奈江沈鍊鎖聲
揮盡阮生無限淚英雄豈子漫縱橫

聞舍弟惺園北行迴舟

逆風打浪急迴舟曾說宗生萬里遊特惜此身緣有母
况兼吾相不當侯池塘春草沈沈夢藪澤萑苻處處愁
不是次公誰痛飲海天蕭瑟漫登樓

擬古

一夢槐柯不厭長那知東海欲栽桑蝦蟆何敢窺天子
鸚鵡猶能問上皇二百年來全廟算九千里外重邊防

誰陳大計平津座小事糊塗或不妨

命將年時屢築壇斯人柱石已爭看漫籌帷幄談何易
徒讀兵書事可歎八桂雲山荒戰壘三苗土壤滯征鞍
膽寒膽破分明甚只要軍中有范韓

黃鶴仙人去不回無端樓上劫飛灰雲浮蠡澤寒沈日
浪打噪磯怒起雷新塚纍纍蔓草斷戈莽莽拾荒苔
棘門灞上紛兒戲從古安危仗異才

蘆荻花殘故壘荒莫憑形勝問興亡西迴山勢風雲變
東下江流日月忙有幾英雄淘己盡無多殿閣晚尤涼
今朝并少新亭客誰灑神州泪數行

卓峰草堂詩鈔

卷五

三

投鞭聲勢日洶洶到處關津徹夜烽雨雪盡停瓜步帆
水雲閉閣赫山鐘緡錢百萬空私藏戈甲千重過要衝
辛苦征輸籌不盡最難官是大司農

錦帆歸去早無家賸有行宮接紫霞兩岸春風識楊柳
千年暮氣產瓊花夢尋故鬼真堪笑血化青燐倍可嗟
一代佳人憔悴死爲澆杯酒玉鈎斜

吹徹吳趨市上簫聲聲咽到浙江潮曾憐西墮紅羊劫
更慮東來白馬驕古阜鶯花沈霸氣平湖燈火識人妖
仙霞嶺上牙旗閃更說將軍悔珥貂

江山千里越臺雄漢代英靈被大風城好盡闔榕樹綠

官高閒品荔支紅曾當旗鼓厓磨石前朝盪平倭寇誰
威南塘功最鉅誰
辨華夷柱界銅瘴雨蠻烟春寂寂酒邊劍氣漫成虹

憶家

歸夢時尋水上村年時憔悴不堪論梨花暮雨清明節
楊柳春烟白板門見說驅除存盜賊可能安穩到雞豚
獨持麥飯空惆悵一例人間是子孫

暮春旅館

乍向花前換袷衣陰陰天氣綠初肥重山複水鶉頻喚
細雨斜風燕獨飛香褪有情憐芍藥酒酣無力臥薔薇
昨宵枕畔餘私語一夢殷勤便當歸

卓峰草堂詩鈔

卷五

四

山樓春望

不勝惆悵到絲鞭料峭春寒陌路天海湧波濤千島動
山銜風雨一樓懸杜鵑泪盡都成血楊柳魂銷欲化烟
擾擾干戈何日定獨勞

宵旰已三年

秦淮春泛圖

曾向秦淮上畫船六朝風景冶春天杏花時節逢疎雨
楊柳樓臺夢曉烟禡榻鬢絲新閱歷零脂賸粉幾嬋娟
風塵蕭瑟蘭成老不賦江南亦可憐

臥湖橋

蕭條門巷認垂楊記過橋西馬足忙一桁好風蘇蛺蝶
半湖疎雨濕鴛鴦情多不奈薜蘿老魂返猶憐茵茵香
曾是看花携手處闌干倚徧倍淒涼

閩厦門警

未返紅竿劫後魂重驅士馬出關門波濤爭助鯨魚肆
帷幄虛藏虎豹尊折戟斷戈猶可拾探囊胠篋早難言
道州只合稱聲叟說到時艱氣已吞

送張辛田從軍

堂堂詩筆擅長城猿臂將軍射虎行初日芙蓉王儉府
晚風楊柳亞夫營龍蛇久蟄干霄氣犬馬同深報主情
卓峰草堂詩鈔卷五
餘事弓衣傳唱徧陽關三疊是歡聲

五

追懷亡友招銘山

河梁一別路何遙往事低徊恨未消夢戀春寒楊柳店
病筇秋色鵲華橋人歸齊國携長鋏客過吳門賸短簫
青眼留君畫中竹楓林魂斷竟難招

榕城書感

瘴烟蠻雨太紛紛鬱向天南作陣雲敢說象焚非爲齒
卻驚羊很復成羣乞人不屑今堪笑名士相輕古未聞
何處招魂酌杯酒霸陵夜獵故將軍
嶺嶠天荒嘯暮猿頻來新鬼泣煩冤魚龍豈易馴東海

鎖鑰原難恃北門但事遷延非得計已甘頽廢更何言
鬢絲堆滿青銅雪一劍飄零已負恩

無錢誰諒勦兒貧瘦馬黃禾不起塵竟使長官爲市令
豈知敵國是舟人病深扁鵲難投石財盡宏羊已算緡
此日榕城十萬戶生全唯賴上蒼仁

無數朱門白晝扁困關新斷客揚舫橫衝虎豹山風惡
倒捲魚蝦海雨腥便恐荆榛成莽莽可憐蒲艾尙青青
一杯更勸三間酒衆醉何須我獨醒

唾壺敲缺壯心驚末路英雄髀肉生聊學景宗諧競病
敢期越石共功名馬頭鬱勃山雲起鼇背蒼涼海月明

卓峰草堂詩鈔

卷五

六

去去干戈悲滿地戍笳關角盡離聲

友人多從軍

書生紙上敢談兵烽火時時警列營鷹隼縱教心力破
鬪體無奈齒牙生荆州暫欲依王粲江夏從知厭禰衡
還我太平銷劍戟得歸茅屋事躬耕

妾將重歸故里詩以送之

兩度天涯泪濕衣登山臨水意多違提携兒女情堪慰
歎息兵戈事總非鏡檻芙蓉空的的津亭楊柳倍依依
書來親切尤憐爾不減殷勤望我歸

內子愛殊甚

胡麻好共種仙山卸卻風前十八鬢顧我何曾忘白髮
憐卿豈必爲紅顏心飛瘴雨蠻烟外夢在廉泉讓水間

倘使拋官歸便得同居猶有廿年閒

聞蟬

又聽新蟬葉底聲去年今日正含情
看來人事難如昨訴到秋心總不平
密雨斜侵紅荔館斷烟淒悽綠榕城
感時一樣清吟苦咄爾螳螂臂怒撐

別緒

朝雲暮雨在巫峰一別高唐悵不逢
影瘦同憐千里月夢殘獨聽五更鐘
銀河駕去無靈鵲藥店飛來有恨龍
生恐池花守紅死瓣香辛苦祝芙蓉

束金穀生卽送其重宰永安

永安新破於賊

卓峰草堂詩鈔

卷五

七

干戈如蝟起邊城百里巖疆任豈輕
事到艱難徒痛哭事迫矣大吏有數才非奔走薄縱橫
老蘇此筆陳經濟對穀生痛哭者小范全胸貯甲兵
白首低垂我何益少年穀生上大府書極剴切枉作棄繻生

袖手輸贏一局碁可憐柯爛竟奚爲
飄零自是無歸日慷慨惟當有醉時
老氏雌雄曾莫辨塞翁得失又何疑
生涯十載滄江上不向風波泣路歧

去去滄波深更深延津一劍漫龍吟
竟除白刼憑何術不負蒼生只此心
鳩杖儘迎前父老鷺峰且置舊山林
男兒得到沙場死虞殯歌傳是好音

風雨蕭蕭別路寒，送君須著白衣冠。李陵畢竟難歸漢，
官有被賊 趙齊者元稹何曾果惜韓。餘事鼓笳諧競病，倘來烽火報平安。西江水似西湖水，得便從君把釣竿。

喜友人至

入門一笑解征衣，誤爾才名杜紫薇。海內論交孤劍在，
天涯多病幾人歸。曾憐蕉鹿無端幻，况說蘓鱸異樣肥。
抱甕區區同此願，何時真息漢陰機。

秋日鄉思

夢筭老屋起秋陰，愁聽疎鐘在遠林。萬綠尙遮當路眼，
一紅早謝出牆心。開尊激灑逢新酒，挂壁蒼茫剩舊琴。
卓峰草堂詩鈔 卷五 八
爲語山靈莫相笑，棲遲豈料到如今。

秋夜

梧桐葉下早秋時，獨立風前感鬢絲。隱隱萬家河角轉，
沈沈千里海書遲。前閩臺 灣警 杜陵遭亂惟愁絕，李廣無功
豈數奇。砧杵聲寒雞又唱，生涯病骨與支持。

雨夜舟中

一燈聽雨欲天明，觸撥江湖卅載情。萬頃風濤容醉榻，
五更鼓角咽荒城。哀絲豪竹當年泪，楓葉蘆花此夜聲。
誰解千重萬重恨，更休翻作琵琶行。

城南江樓

千秋勝概說南城，翻使登臨百感生。
一道旌旗分海色，萬家絃管助江聲。
側身天地更懷古，如此風波不可行。
爭怪蓬萊落仙籍，青樓贏得十年名。

秋夕與內弟同酌卽送其歸里

秋天過雨夜涼生，千里關山河漢明。
池館烟疎梧葉老，津橋月上笛聲清。
自然行旅多蕭瑟，况復干戈苦戰爭。
別酒一杯斟向爾，白頭憐我困邊城。

登樓

擾擾兵戈在眼前，秋光慘入百蠻天。
翱翔河上真堪笑，見說江南倍可憐。
風雨亂侵桃葉渡，烟波長阻木蘭船。
卓峰草堂詩鈔卷五

九

諸公斗大黃金印，不誓河山亦枉然。
南荒十萬甲兵塵，宵旰頻聞

聖主勞江濶，魚龍貪晝睡。
天空鷹隼厲，秋高三年雨雪催。
征騎萬里風霜裂，戰袍長笛樓頭漫鳴咽。
男兒何不事弓刀。

登烏石山

秋光慘澹到山容，關樹烟寒帶遠烽。
不見三郎騎白馬，空勞諸將渡烏龍。
憑誰偃蹇扶危石，笑我支離過老松。
閒向鄰霄臺畔立，海天風雨撼孤筇。

秋夜城南樓

西來流水帶楓林少婦城南夜夜砧星斗江寒天影澗
關山風急雁書沈三年寥落思鄉夢一片淒涼問世心
蝶蠶螟蛉定何物醉揩老眼看霜鐔

緣事落職思歸偶述

從今應得遂初衣十載飄零壯志違自信士窮終不遇
祇憐官罷未能歸兵戈擾攘無安土山海沈沈看落暉
正有望鄉雙眼淚飢烏何事忽西飛

故鄉西望客懷孤平得秋來米價無苦潦地難容赤子
江鄉水患聘錢天不貸黃姑扶頭酒借三杯醺袖手棋憐一
局枯連夜扁舟有歸夢蕭蕭風雨打菰蘆

卓峰草堂詩鈔

卷五

十

弔李月樓

子馥

二尹

防堵仙遊遇害棄尸溪岸

海上孤帆竟莫收

月樓繪海收帆圖

數奇從古不封侯但謀肉

食生何益未掃欃槍死亦愁青史客談千古事白頭人
哭二陵秋沙場颯颯多風雨嗚咽溪濤打岸流

寓公回首好園亭無主荷花冷不馨地下書從何處寄
人間酒到此時醒乾坤蕭瑟一身在戈甲縱橫雙淚零
魂魄分明來入夢屋梁月黑塞楓青

餞菊和陸費端卿

不惜尋君戴笠來吟秋蛩蟀日相催詩人老境閒情在
薄宦生涯笑口開如此冰霜能見節未妨風雨儘銜杯

柴桑有客將歸去夕照寒烟首漫回

聞黃樹齋少司寇都門之訃詩以哭之

書生憂

國總空談誰味當時諫果甘一代勳名真可惜千秋論
定自無慙東山絲竹曾高榻北道風霜更曉驂早慮琅
琊爲情死穠花冶柳徧江南

眼前時事究何如風雨窗寒自著書賈誼并無宣室召
相如空賃茂陵居別裁僞體歸風雅遮莫生涯飽蠹魚
誰見詩人侯萬戶一場春夢太蕭疎

故山無恙不歸來百樣飄零誤信才豈識終南多捷徑

卓峰草堂詩鈔

卷五

七

祇憐河朔賸殘杯臣心自矢如冰潔仙石唯應化鶴回
可有黃金收駿骨蕭蕭寒日下燕臺

平生最有交親分刮目常時到阿蒙身世卅年如斷梗
風塵一吏亦焦桐干戈况復傷頭白蠟燭無端替泪紅
他日黃公壚下過山河一慟與誰同

尋梅

分明眼底尋詩路卻爲梅花更數來舉足從來慎荆棘
稱心難得好樓臺冰霜天地稜稜氣風月園林澹澹杯
報道孤山有和靖其寒誰與作良媒

雜感

獨上籌邊舊海樓多時慷慨涕難收眼前萬事太蕭瑟
身外一官輕去留戍火驚飛鳥鵲影關笳吹起鶴鵝愁
可憐夙昔澄清志坐閱風波竟白頭

萬里風霜入鼓鼙白頭閒看夕陽低過河已作枯魚泣
擇木難同惡鳥栖此日衣冠儘塗炭當時耕稼負鋤犁
前村昨夜梅花發賸有尋詩路不迷
酒邊一劍伴身閒鴛鴦徒傷

國步艱曾是壯心輕甲冑漫餘詩賦動江關三年坐聽
風聲急萬里虛傳露布還更識

聖心宵旰切啾啾塵騎望燕山

卓峰草堂詩鈔

卷五

三

詔書珍重恤忠魂徒死難言不負

恩膏血縱橫塗草野驅除隱忍用花門人才未信今難
得生養何能古並論俯首蒼黎憂曷極年荒幾處有雞
豚

不覺憑高易動情盪胸雲水太淒清長江風定歸帆穩

時大府自
下游歸

疎樹霜寒宿鳥鳴幾見流民圖鄭俠徒聞烈士

殉田橫途窮不下英雄泪一醉還尋阮步兵

林子魚偕其弟廉叔招集冶山觀劇醉後漫書時

辛翁有閩清之行卽用賦別

干戈滿眼送流年海國笙歌尙此筵敢笑登場皆傀儡

漫思有酒學神仙飄零風雨雙龍劍浩蕩關山一馬鞭
想對梅花彈別鶴更添幽怨上冰絃

城南僧樓和耀伯

一杵鐘聲冷佛樓下方塵事幾時休山寒詩骨得堅瘦
江濶酒情相拍浮慘慘笙歌此南部堂堂旗鼓古東甌
文章灑盡秋風泪若箇書生萬戶侯

吳又賓寓齋夜飲

衣上寒香帶早梅寓公庭院鶴同來卻除風月曾何癖
未料干戈尙此杯潦倒不爲明日計疎狂豈是濟時才
與君別具經營手高築窮荒避債臺

卓峰草堂詩鈔

卷五

三

春感

倦眼摩挲閱歲華征塵浩蕩接天涯江山有客閒携酒
風雨無人問落花一局羸輸何日定此生出處竟全差
年時苦抱登臨憾吹冷春雲更暮笳

擬古

岌岌積薪然厝火朝廷全盛已憂危可知漢代風猶古
休說長沙涕漫垂滄海橫流到今日乾坤軒豁是何時
紅樓絲竹青樓夢斷送談兵杜牧之

調言

調言報國是文章一笑同登傀儡場自要牧羊尊卜式

誰緣磔鼠薄張湯城頭鼓角催殘月海上旌旗卷夕陽
別有忠魂招不得松風吹冷舊祠堂

柬陳叔安

滿目烽烟滿鬢霜論才那得郭汾陽五年戎馬將軍帳
三月鶯花倦客觴聊借閒居延歲月儘饒心力耗詞章
吟篇笑抵公侯貴也算邯鄲夢一場

傷春

琵琶曾問九江船水國春寒薄醉天楚雨白停詩舫外
吳波綠到酒尊前東風夜火明荒渡楓葉蘆花換少年
誰似多情舊司馬四條絃子泪潸然

卓峰草堂詩鈔

卷五

十四

紅板青溪白下門憐他桃葉並桃根百年易醒鴛鴦夢
六代難招杜宇魂滾滾江流沈戰鼓盤盤山勢卓降幡
英雄兒女紛紛盡花落花開更莫論

荒荒霸業等烟銷陡起軍聲夜半潮七里鶯花迷曉市
萬家燈火黯春宵靡蕪有恨纏香徑楊柳何心傍畫橈
一曲吳孃聽不得蘇臺暮雨太瀟瀟

竹西歌吹記當年說著繁華一惘然春好儘歸隋煬帝
愁多能損杜樊川髻絲禪榻眞無賴璧月瓊枝盡可憐
二十四橋煙水綠玉簫淒斷幾嬋娟

酬高樹人

酒邊落落剩吟身物望終當屬此人
士林欲得君爲首邑紅藥半
欄謝公宅綠楊三徑白家鄰不勝惆悵重懷古畢竟風
流解惜春滴粉搓酥好才調只憐贏得筆無塵

春柳

昨夜東風渡板橋似曾相識暗銷衣香人影春三月
官舫銀燈夢六朝碧玉今年知待嫁阿蠻何處著緜腰
旗亭不奈詞人老腸斷長條更短條

柳花

九十春韶一夢中舞衣香散舊熏籠飛來池館花如雪
到處樓臺樹有風似此光陰還中酒憐渠蹤跡也飄蓬

卓峰草堂詩鈔

卷五

五

沾泥久已禪心定不借吹嘘上碧空

題杜文貞公遺像

詩人坎壈古無前蹤跡漂流到兩川死是靈均幽憤地
生逢天寶亂離年秋風揮淚洗兵馬落日招魂哭杜鵑
終古高名垂宇宙不須褒鄂畫凌烟

南臺雨望

高臺獨上意如何醉對青天日放歌萬井蒼涼更風雨
千秋形勝此關河笙簫北里閒情減鼓角南荒老泪多
擬挂一帆滄海去扁舟無恙弄蛟鼉

送劉勉齋同年歸新昌

風波宦海各相望竟送先生返故鄉舊侶已憐吟社散
傲人應是北窗涼三年耕稼無安土萬里烽烟接大荒
莫怪臨歧潛出涕腐儒家

國兩難忘

得永安金穀生書

干戈未卜故人存去日曾招宋玉魂才可匡時應自惜
士桓不遇更何言交情眷戀看雲樹人事蕭條到酒尊
一紙書來再三讀邊城吹角又黃昏

遊小西湖

蕭蕭夕照下菰蒲一葉扁舟十頃湖社稷誰扶唐末造
卓峰草堂詩鈔

卷五

六

旌旗尙指宋行都風雲大澤龍蛇鬪草木深巖虎豹呼
敢與前人爭出處挂冠容易爲蕪鱸

削職後仍
供驅策

鼓山湧泉寺題壁

聽鼓應官老合休十年蹤跡海東頭上方鐘磬遙連樹
大地烽烟不上樓紅日迴看烏石晚白雲不盡虎門秋
南朝四百八十寺說與空山佛亦愁

月夜

幾處笙歌起畫樓沈沈野宿擁貔貅三千鏡甲頻移成
十二珠簾自上鉤飄瞥烟花疑夢幻蒼涼江海與身浮
無聊欲勸飛光酒判向黃壚擲傲裘

秋感

客心如水只東流別夢依依水上樓
海月尙憐燈火夜江風忽變管絃秋
三年天地兵戈氣千里關山草木愁
爭得携同花裏住道書閒把看梳頭

南臺置酒

東南形勝古今同越國山川悵望中
未識釣龍何手段但能騎馬劓英雄
烟寒萬樹迎初日潮展半江生晚風
更懶醉談興廢事枯筇扶穩一衰翁

秋雲

空中舒卷笑無端便與閒身一例看
未到人情如此薄卓峰草堂詩鈔卷五
誰知天路不勝寒芒碣氣已消龍虎
瑤島音終闕鳳鸞草莽孤臣垂淚看
還山更比出山難

次韻酬陳子雲大使

江聲千古越臺雄放眼浮雲一笑空
燕領幾人追定遠鴛肩有客過新豐
十年慣見青山好萬事徒饒白髮公
忽漫相逢滄海上旌旗冷指戰船紅

萬里烽烟七尺身笑持手版奉車塵
借籌前席非無策收泣新亭倘有人
彭蠡湖深長蛟鱷秣陵城冷莽荆榛
季鷹枉是多歸思泪灑秋風夢裏尊

沈沈鼓角動深更海上魚龍豈亦驚
可許潛夫著餘論

不知豎子是何名林楓細雨侵行旅時楓亭一帶
行旅幾斷野草
寒烟鎖廢營無數稻梁征戰盡塞鴻何事又南征

內人生日

百歲光陰半已過頻年蕭瑟此關河篋中可贖青裙在
鏡裏惟添白髮多山縣稻梁供雀鼠海天風雨傍蛟鼉
便思偕老歸無計看到黃花奈爾何

暮秋樓望

閒雲低與曲欄平幾度登臨客感生但覺老來多疾病
不知詩外有功名千家山郭寒鴉影萬里關河落木聲
見說章門尙風浪珠簾畫棟若爲情

卓峰草堂詩鈔

卷五

六

感舊

風勁霜天畫角聲斜陽黯黯下邊城也曾今古同憑弔
忽漫關河隔死生貧甚祇思逢俠客才疎偏易得狂名
酒壚日暮人吹笛泪盡窮途阮步兵

南臺獨酌

濤聲東下撼孤臺莽莽龍蛇大澤哀勝地相傳猶霸業
明時不遇每奇才尋常風雨腰雙劍如此江山手一杯
應有醉魂呼不起斷烟殘照滿蒿萊

送陳少香丈歸里

浮世一官纔幾日便爲羈客十餘年人傳摩詰詩中畫

家住張融岸上船閉戶著書忘歲月關心薄海困烽煙
今朝漫喜歸田去負郭曾無一頃田

山北尋常夢采薇劇憐書信亂來稀臣飢不羨侏儒飽
身瘦何如天下肥他日結鄰先有約故鄉猶恐未同歸
河梁返照蒼涼甚照見臨歧淚滿衣

十年一劍擬酬恩疊疊青衫著酒痕盜賊卻能憐李涉
風波何事怨章惇追隨鷗鷺扁舟穩料理松篁故徑存
縱死蠻方吾不恨先塋麥飯有兒孫

果然繼此得生還許挾琴書再歛關風月提供千日醉
林泉分得兩家閒蒼茫人海浮沈日寥落親朋夢寐間

卓峰草堂詩鈔

卷五

九

且要別來書數寄聊當樂府唱刀環

雨中漫成

不雨已過小滿節近來淫潦又如何泥塗歲月生機少

滄海烟雲變態多爭聽空倉喧雀鼠

時平

便愁積水長

蛟鼉聲聲唱徹公無渡壯士徒揮落日戈

玉尺山房小集再別少翁

海上風波夢亦疑得歸何事更嫌遲扁舟此去真無恙
尊酒重逢未可知手種綠楊俱長大眼看紅藥是將離
到家翻羨行裝富收取蠻牋百首詩

卓峰草堂詩鈔卷十六

宜黃 符兆綸 雪樵

得徐樹人廉訪途次寄書

萬里江山畫角聲，風波竟放一舟行。
登樓到處哀王粲，前席頻年召賈生。
魑魅迭逢過故壘，鼉鼉相伴宿荒城。
遙知風雨聞雞夜，老枕干戈夢不成。

重過六一泉水榭看荷花

依然蕙帶與荷裳，舊事低徊賸一觴。
詩骨半生容兀傲，酒懷何地不蒼涼。
偶招鷗鷺成閒伴，誰爲荃蘅惜故香。
不管看花人老盡，闌干紅煞自斜陽。

卓峰草堂詩鈔

卷六

漫興

壯心豪氣等閒休，五嶽時時作臥遊。
世上英雄本無主，閨中少婦不知愁。
極奢圖史爲家具，後約烟波有釣舟。
勝負豈爭蠻觸鬪，一廬聊寄似蝸牛。

讀書已懶況爲官，一點青燈案上寒。
歲月堂堂拋我易，生涯事事比人難。
黃蘗風味原甘淡，白髮情懷強自寬。
莫笑周旋到兒女，衰年骨肉重團圓。

閒身

禾秋天氣已沈沈，山裏重雲倍覺深。
萬里碧霄孤鶴倦，五更滄海老龍吟。
干戈未有全生術，草木終存不死心。

惆悵城西樓一角閒身無用寄登臨

宿黃田驛

斗柄插檐銀漢轉亂山荒驛坐宵分淒涼砧杵千家月
寥落關河一片雲商榷重徵茶戶稅時議增茶稅揭竿久戲
棘門軍會尋漁弟樵兄去不願人間姓字聞

延平旅夜

戈鋌如雪照津流殺氣蒼茫贖劍州野曠星辰低壓戍
天空風露浩侵樓短歌扣角漫漫夜長路關心的的秋
亦有沈埋千古恨老龍何必不知愁

建溪驛飲酒

卓峰草堂詩鈔卷去

二

老夫自懶梳白頭強使束帶迎督郵官微竊比海鷗鳥
客過真如風馬牛歸去不堪對妻子興酣聊復輕王侯
故人往往有書到問我六十何所求

徐墩鄉徵卽景書感

清明穀雨去駸駸茶戶門空噪野禽衆客爭談過關稅
時新設茶關微官空抱在山心片帆秋水荻花渚比屋斜陽
楓樹林一墮塵途歸不得靈均憔悴此行吟

聽人談江南

斜陽自入烏衣巷衰柳空垂紅板橋一代佳人在何處
千秋遺恨此南朝江山龍虎銷杯酒花月鴛鴦付斷簫

浪說夷吾今不作新亭過客亦寥寥

秋感

吹徹關城畫角聲力疲老馬愧能行風塵日暮途猶遠
霜雪年深氣易平鏡裏淒其看鬢髮酒邊何者是功名
羽書昨夜傳軍府見說喧呼又點兵

憶城南舊遊

海上題詩舊有樓城南取路獨尋秋芙蓉樹老朱門冷
蘆荻花深畫舫留烟水琵琶商婦怨江山醇酒信陵愁
憑人畫上凌烟閣醉有真鄉我亦侯

秋晚江樓有懷江叟叔

卓峰草堂詩鈔

卷六

三

臨水登山一惘然秋晴如畫好江天斜陽自照漁人宅
飛鳥爭隨估客船詞賦平生亦蕭瑟別離何日不纏綿
定須早作歸田計多少英雄悔暮年

紅葉

牢落風塵眼倦開偶扶殘醉上層臺卻驚天地還春色
不覺關河起暮哀隋苑荒荒鴉已散吳江淼淼雁空來
兩三星牘漁人火彭蠡湖寒首漫迴

此樹婆娑生意盡文章絢爛又何爲不堪憔悴思來日
更忍繁華說往時春雨幾家存老屋夕陽千載照荒祠
江山自古傷搖落不似如今宋玉悲

建溪驛送別林子魚

一樹天風萬葉驚，亂鴉荒戍夕陽晴。
城頭山色寒初斂，檻外江流氣未平。
似此生涯憐我拙，更堪寥落送君行。
樓西酒醒帆東下，惆悵河橋暮笛聲。

得少香丈書卻寄

萬苦千辛已到家，爲君收泪向天涯。
此身尙覺歸無計，有路相尋夢每差。
門外重栽彭澤柳，街頭新賣召平瓜。
從誰更醉黃墟下，鄰笛吹殘日易斜。

新卜居與故人黃樹齋侍郎宅近

無恙黃川打漿過，等閒得著已漁簑。
斜陽紅到栖鴉屋，芳草青連放犢坡。
舊社幾人猶健在，新詩數卷重編摩。

卓峰草堂詩鈔

卷六

四

卜居早有南村約，腰折其如五斗何。

醉後作

天風萬里海潮收，擬借蓬壺作臥遊。
大地無臺堪避債，殘年有酒不忘憂。
網羅終笑秦忘鹿，冠帶何來楚沐猴。
老我嬾磨三尺劍，壯心奇節等浮漚。

春草

近帶晴光遠帶烟，東風消息尙依然。
多時送客遙相憶，何處尋春不可憐。
寂寂采香來戲蝶，重重埋玉愴啼鶉。
携尊記得過南浦，桃葉桃根喚渡船。
策馬無端拾斷戈，頻年戰血染山河。
六朝金粉飄零盡

三月鶯花涕泪多何處更尋浮白地幾家猶唱踏青歌
王孫去後春無主風雨誰牽補屋蘿

病中書感

壯志消磨百病生龍鍾猶忝此專城更無暇日思兒女
難得餘年見弟兄時弟惺園自
家來視予慘澹風雲當酒變縱橫
豺虎伴人行撫建兩郡
相繼失守可憐白髮糟糠婦耐盡飢寒苦

甲兵

丙辰歲生日誌感示惺園

我今六十已過一爾去六十纔二年風雨來對生日酒
烽烟愁滿故鄉天鬢毛蕭颯琴尊外心事蹉跎簿領前

卓峰草堂詩鈔

卷六

五

安得從茲買蓑笠全家携上五湖船

遲江股叔不至

憔悴江山付鬢絲天涯留滯又多時干戈未定家無著
風雨能來酒不辭海國魚龍爭曼衍塵途燕雁本參差
春波春草銷魂久卻怪孤帆出浦遲

讀惺園近詩感賦

一杯相屬醉顏酡爾王郎斫地歌几榻重聯舊風雨
舟車徧閱古山河縱橫萬里身無著俯仰千秋泪總多
忽漫南來衝虎豹也曾東去踏蛟鼉

喜祝蓮旭至

意外相逢是故人况兼戎馬困征塵十年蕭瑟霜侵鬢
萬種艱難泪在巾斯世難超文字劫平生留得性情真
可憐燒燭談兵夜慰爾纔餘酒數巡

秋夕樓望

橫戈躍馬幾時休戍鼓聲中獨倚樓霄漢星辰沈劍氣
關河草樹接城秋畏聞馳檄頻徵餉枉說投鞭足斷流
我有故鄉思不得金甌早缺十三州

晚望與蓮旭

嶺雲關樹晚茫茫且合登臨莫望鄉在手一尊逢舊雨
回頭萬古送斜陽香山作吏聊稱隱杜牧談兵不諱狂
卓峰草堂詩鈔卷去
踏徧郊原戎馬跡虎頭羊角漫滄桑

携兵勇宿苗口

斜日蒼涼下戍樓眼中草樹已成秋極天山海荒荒氣
徧地兵塵步步愁帷幄自慙籌策短閭閻爭得士民休
勞生暫借谿堂宿月浸長溪冷不流

示蓮旭

分明眼底酒盈觴較勝封侯夢一場造物倘能容我輩
窮途更莫說文章蟪蛄池館來寒月鴻雁關河送夕陽
自分支離本無用種松還憶舊書堂

漫興

今古茫茫首重圓側身天地幾悲哀何期憂患全微命
時卸建陽篆每爲艱難想異才風雪烏號丈人屋江山龍臥

越王臺可堪垂老酬筋力壯不如人念早灰

感事

時聞金穀生太
守勒賊遇害

未肯輸贏袖手看紛迷黑白太無端到今時局艱如此
從古人才遇總難聚散萬家歌哭換功名一代齒牙寒
可憐塵土甘埋沒曾爲王陽一整冠

題睢陽廟

全淮風雨浪滔滔將士同心死亦豪天寶霓裳金鑑在

時方演劇睢陽寒笛吹臺高笙歌鄰境天何醉人肉空城地

卓峰草堂詩鈔

卷六

七

不毛南八男兒真意氣帳前先請賀蘭刀

樓望

酒罷山川暮氣涼尋常眼底見滄桑萬家廢井生春草
幾處哀笳送夕陽王粲飄零仍作客杜陵老大漫思鄉
章門風雨杉關雪西北樓高恨總長

聞邵武警

厝火將然累卵危干戈滿眼欲何之可憐天下滔滔者
又是諸公袞袞時風卷旌旗千帳徙雨淋烟火萬家遲
記行九曲樵川路汨盡城南李相祠

贈建安李星齋

家輝學博

才名卅載榜頭傳，檣散依然老鄭虔。
雨雪同迴燕市策，烟波閒泊建溪船。
問誰勝算籌帷幄，愧我生涯食俸錢。
開到檐花春寂寂，醉歌聊與送流年。

去建甯郡

驚人風鶴不虛傳，萬戶傷心遽播遷。
黯黯山橫寓公宅，茫茫水送建溪船。
甲戈遣戍曾千里，溝壑填屍已四年。
涸盡鬢須揮盡淚，卜居心事且徒然。

水口感事

依舊春山叫畫眉，小樓無語捲簾時。
五更寒雨餘醪夢，三月東風揚柳枝。
早已傷心到金粉，忽驚滿眼是旌旗。

卓峰草堂詩鈔

卷六

八

再來門巷知何似，莫問飄零沈亞之。

甲何芸樵

鎮之

大令

河南人，丁未進士，福建建安知縣。

怒氣填膺慘變顏，孤城危在片時間。
焦頭爛額終何算，策馬彎弓竟不還。
賊勢已成強弩末，官軍休唱大刀環。
世間豚犬紛紛是，并覺因君涕淚潛。

一子從殉

晤光澤彭紫封

榮詒

同年

烏君山翠在衣裳，一別音塵兩渺茫。
顧我全生如苦李，有人垂淚說甘棠。

予宰光澤僅八十一日，愧無善政而士民愛予特甚。

過關虎豹

嗥孤戍出海魚龍戲，大荒他日言歸倍惆悵。
樵嵐九曲漫斜陽。

少香丈以避亂重到福州感賦

兵戈豈料重相見，尊酒天涯喜復悲。
便死已留詩卷在，殘生纔有稚兒隨。
山中魑魅窺人日，海上龍鼉逐客時。
帶甲直將滿天地，茫茫日暮欲何之。

漫感東少香丈

備嘗辛苦得艱難，敢有生涯仗一官。
遮道烟塵千里暗，破巢風雨萬家寒。
狼貪競欲居奇貨，狐假爭來索好冠。
莫向東南談大局，滔滔誰與挽狂瀾。

內人寫其照寄予感題一律

尋常行坐好林泉，別後遙遙悵各天。
貧賤正難忘去日，卓峰草堂詩鈔卷六

卷六

九

亂離如此送流年，久期偕隱何曾遂。
便保餘生亦可憐，閒卽持書來伴爾。
依然雙影一燈前。

何日

何日放我歸乎休，漁兄樵弟相勾留。
成家多收幾斛麥，愛子只遺十具牛。
秋食晚菘春早韭，晴占喜鵲雨啼鳩。
憑他相御揚揚去，自作人間馬少游。

秋日偕彭紫封飲酒六一泉時有女伶度曲感事
述懷慨然有作

寤寐無緣到澗阿，壯圖回首意如何。
屢屢經磨折雄心盡，翻怪登臨老泪多。

聖代自垂今雨露時以軍功多獲保薦紫封七年座間

賭旗亭酒淒斷尊前一曲歌別紫封七年座間話及妓飲故事

容易銷魂是夕陽柳絲荷葉戀秋光含風池沼雙鷗靜

壓水闌干一笛涼金粉何能消豔福坐客有索觀予豔體詩者江山

聊借助文章十三州已甌全缺更掃關雲列戰場江西十三

郡完全者幾無一二今年三月賊遂闌入錢牛關守關將士俱潰

倉卒移家西復東江楓齊逼燧烟紅遠天落日沈征雁

大地狂飈走斷蓬五畝能歸吾願畢一尊幸與故人同

尋常便有滄桑感往事繁華掃眼空

一簇笙歌尙水樓邊城畫角起清秋曉風殘月仍無賴

卓峰草堂詩鈔 卷六

豪竹哀絲不蕩愁嗜酒生涯當末路憶梅舊曲譜西洲

當初事豈如今料飄泊人間到白頭

與左掖門同年

無可奈何世上事尙須賢者爲其難一時發憤起從賊

百姓可憐思好官元氣剝之便恐盡寸心捫處爭不寒

但謀肉食既堪鄙安用毛錐良可歎

干戈雜沓身行棘江海蒼涼泪送潮砧杵西風今又動

關山明月古無聊荻花楓葉迷歸櫂烏石鼇峰對酒瓢

撥置重重身世想相逢一笑解金貂

城南酒樓

高樓南面大江橫，每到憑欄旅思生。自分談兵無善策，不妨嗜酒有狂名。水花夕照涼涼影，關樹秋風浩浩聲。西北雲浮漫回首，鄉山休到眼中明。

題謝枚如

章鈺

明經詩卷

芑川死繼吾亨，甫南國斜陽短笛哀。磊落乾坤吐奇氣，蒼涼江海賸斯才。此生使我重低首，何日從君數舉杯。解識毛錐不無用，一竿輕擲釣龍臺。

奉浙江廉訪徐樹人先生

洪橋記送使君舟，楓葉蘆花滿渡頭。詩夢舊曾隨去鷁，歡聲新已擁前騶。月明自照西湖水，雲起遙連東海樓。

卓峰草堂詩鈔

卷六

十一

天下蒼生應被澤，大裘豈僅覆杭州。

晚眺

獨客蠻天賸斷魂，邊城落日慘黃昏。荒荒雲氣屯烏塔，浩浩江流出虎門。萬井蕭條供一慟，千秋形勝賴重論。此身莫歎無歸處，未死深慙負

國恩

張辛田招集吳氏水榭看木芙蓉分得東韻

東山絲竹興誰同，南部烟花夢已空。金帶何人圖芍藥，焦琴有客抱孤桐。千家簾幕秋涼後，一路樓臺夕照中。爲語江天莫蕭瑟，老夫留得醉顏紅。

尋常吹到鯉魚風，轉綠迴黃唱洗紅。
半壁江山天亦醉，六朝金粉豔全空。
汀蘭岸芷哀歌起，楓葉蘆花冷落同。
合有仙人持絳節，曉寒催賦蕊珠宮。

櫻桃樹下小門紅，隔著垂楊路未通。
詞客分明惜初日，美人遲暮怨東風。
懺除衣想還容想，消受烟籠與月籠。
卻笑伶俜胡蝶嬾，等閒同過宋家東。

祇今憔悴爲誰容，不覺朱顏換鏡中海。
上一尊逢舊雨，天涯幾客感秋風。
珊瑚結網心猶在，蕤菜懷鄉夢亦空。
醉眼尋常偏錯認，山家烏柏映門紅。

餞燈

卓峰草堂詩鈔

卷六

三

隨風升降醉兼醒，不覺春寒上畫屏。
徧閱繁華頭已白，卻除詩酒眼誰青。
樓中客散留明月，簾外宵長數落星。
一笑偃師聊戲耳，魚龍歸路有滄溟。

白桃花

十二珠簾嬾上鉤，淡無言處有春愁。
雪消芳草洲邊路，人在清溪水上樓。
往往瓊牋斷消息，重重仙館漫勾留。
自嫌脂粉污顏色，爭忍無情笑白頭。

春日城南酒家題壁

春水如雲綠到門，重尋殘夢了無痕。
湖山自訂新詩稿，風雨閒持舊酒尊。
看到落花難忍汨，別來芳草易銷魂。

浣紗空剩溪頭石安得三生與細論

送張辛田之福清

挂席江頭新水生落花芳草豈無情君猶老作諸侯客
我亦狂除俗吏名鱸膾鄉心悲去路故鄉賦
俱未退牛腰詩卷
望歸程黃鸝叫綠城南樹柑酒春風奈送行

辛田書來以得游豆區園爲快園予舊游也賦此

東之並寄園主人吳芝厓郎中

一園我數尋詩到三徑君方載酒行石上古苔寒不死
欄前新水暖初生最難風雨琴尊合畢竟烟霞服食清
爲語主人勤種竹平安遙慰故交情

卓峰草堂詩鈔

卷六

三

次韻答陳叔安

百年準擬事無成白髮何嫌頭上生大令能書變家法
次公避酒重狂名臥聞江海風濤壯愁見關山星月明
不分對君閒袖手偏師聊欲撼長城

次韻答小牧

眼看花事已闌珊種竹林園膾夏寒冷暖光陰千日酒
酸鹹風味十年官湖山乍許添新句烟月從誰續舊歡
慙愧故人相厚意晚菘早韭勸加餐屢過小
牧飲

題叔安知白齋詩草

囊琴匣劍去鄉關叔安籍饒州
寄寓金陵更到長安匹馬還宦况

艱於七閩路筆端放出六朝山卽今湖海豪猶昔似此
參軍語不蠻盡日携來池上坐清詩消得一官閒

從來識字爲憂患况復年衰感亂離雨雪家山寒入夢
風波江海杳何之儘饒鬱勃爲其氣不覺悲哀遂有辭

我亦天涯苦吟者挑燈讀罷泪雙垂

道光丁未之歲叔安出所著知白齋詩草示予予爲
題七律一章維時叔安初登仕版海寓莫安卽前此
生涯筆墨不無磊落骯髒之氣然大較和平也今又
及一紀矣時異遇異叔安旣有大不得已於懷讀其
全稿詩境爲之一變予補題一律亦不禁發言蒼涼
益予與叔安窮且老時異遇異而所感同焉噫其幸
邪其不幸邪咸豐
戊午夏四月記

新居漫興

卓峰草堂詩鈔

卷六

西

五柳門庭孤竹心直從城市得山林自然老去宦情淡
况是秋來書味深碌碌風塵哀病馬寥寥雨雪殢歸禽
似聞路上行人語臣里甘棠有舊陰

吳伯鈞見過

陋巷頻迴長者車故人愛我及吾廬打門來看新栽竹
堆案猶存舊寄書嶺嶠秋風生萬馬江湖陰雨阻雙魚
直須撥置人閒想酒盞相逢老莫疎

殘月

殘月分明對倚欄塵途寥落幾回看可憐天上生何晚
如此人間住亦難松竹蕭蕭孤勁節樓臺寂寂共高寒

草蟲徹夜悲何事，淒人詩心一點酸。

九日

三年嶺嶠接烟塵，贏得登高泪滿巾。
浮世判將垂老別，此時可是再生人。
丙子前二日，生辰。儘饒出海魚龍戲，未易當關虎豹馴。
落日轅門停鼓角，奇功新策燕嘉賓。

憶溪西舊遊

煙火爲鄰三五家，清溪一曲抱村斜。
半林暮色明楓葉，連日秋寒爲菊花。
邀客古碑捫蘚讀，泥人濁酒隔牆賒。
別來不覺流年換，碌碌塵途鬢有華。

少香丈桃源問渡圖

卓峰草堂詩鈔

卷六

五

漁釣生涯許結鄰，罷官彼此有閒身。
誰知神武挂冠客，更作監河貸粟人。
荆棘滿途愁失足，風波大海慘迷津。
相逢一倍添惆悵，何處桃源可避秦。
七十予纔欠七年，君今七十已華顛。
亂離并欲拋詩卷，生計仍憐食硯田。
猿嘯每當寒雨夜，雁行空望故鄉天。
祇應別作移情想，來向蓬瀛問渡船。

垂老

市塵不到放翁家，用白石蒼苔一徑斜。
小小園林堪種竹，蕭蕭風日獨看花。
蒼茫嶺橫秋氣鳴咽，孤城起暮笳。
垂老厭聞人世事，琴尊料理卽生涯。

流年

流年冉冉鬢垂絲萬念蒼涼是此時添出一重兒女債
刪存幾首亂離詩要之婚嫁聊相許或者流傳未可知
海上鯤鵬從變化榆枋獨與鶯鳩期

得何師竹大令山左書

亂離都已作衰翁念別多時感慨同天使長江限南北
古來溝水有西東心懸百里荒寒外淚在千秋悵望中
我作枯魚書報爾世途須信老逾窮

陳叔安見惠雪魚

扁舟篔簹願全虛但覺幽棲興有餘夢裏冰霜溪上宅
卓峰草堂詩鈔卷六

六

閒邊風雨故人書天寒竊比綈袍贈年老何能酒盞疎
枉是秋波憶鱸膾江湖歲晏定何如

得興宜泉司馬鹿港書

離心爭與片帆懸一紙書來雪後天白髮故人居海外
青燈知已在尊前闌珊酒興兼詩興知否書傳或畫傳
爲報笠簑今已具江城風雨屋如船

送俞夢池司馬移官吳門

蘇臺楊柳近如何南浦春來尙綠波明月人間圓夜少
浮雲天上變時多十年戎馬艱籌策萬里沙鷗避網羅
堪惜瀟瀟餘暮雨舊遊零落竹枝歌

燕

雙雙曾住莫愁家
短夢輕塵戀歲華
南浦低徊長芳草
東欄惆悵見梨花
可堪裙屐風流盡
無數樓臺夕照斜
莫怪主人頭易白
年時春恨滿天涯

春日漫興

強將詩酒度流年
生計惟資賣賦錢
垂老逢花猶一笑
此身如柳已三眠
春寒白板關時雨
炊斷青林缺處烟
竟欲全家師辟穀
將毋雞犬亦神仙

春望

連日春寒泥酒杯
偶扶殘醉上層臺
海山蒼莽供搔首
卓峰草堂詩鈔

卷六

七

身世艱難誤不才
舊里烽烟喬木盡
故人墳隴野花開
雲浮萬古傷心色
况助關城畫角哀

憶高樹人同年

仕路何如蜀道難
惟憑詩酒洽朋歡
如予眼底方蕭瑟
此老胸中久鬱盤
雲斂自然山更出
雨來爭奈竹先寒
栖遲料理三間屋
何日江湖放釣竿

憶張煥堂司馬軍中

海外歸來更請纓
浮雲西北莽縱橫
臥聽雨雪寒吹角
斗訝風濤夜打城
節制自然歸大帥
悲哀聊復對遺氓
賸揮盾鼻磨殘墨
寫作軍書寄友生

贈陳子雲司馬

弓刀纔解卽論文畢竟英雄讓使君座上琴聲移大海
樓頭酒氣壓蠻雲何人光采生門戶我輩風流託屐裙
若向南山談射虎飄零還有故將軍

記得

記得春風江上亭迎來桃葉過前汀方生新水裙拖綠
乍掃遠山眉送青開到梨花今寂寞飛隨柳絮各飄零
青衫濕盡當時淚一曲天涯忍再聽

潦倒

潦倒空餘濁酒杯殊方春漫逐人來蝶過鄰舍一何喜

卓峰草堂詩鈔

卷六

六

花在貧家未肯開愁裏山川空悵望夢殘風月獨徘徊
時情謬許工詞賦頭白風塵百事哀

柬叔安

一笑詩成酒入脣便同吟過幾番春桃花飛去隨流水
燕子歸來識主人此日無多青眼對他時不作白頭新
宅邊亦有垂楊樹元九如何不結鄰

重聞

廢壘荒墟漫草生重聞妖鳥呼山城幔亭幾日停笳鼓

河水東風冷旆旌河口亦估客不來茶戶散遺民空戀

長官清謂莫勵他鄉故國無安土老傍烽烟白髮明

堂太令

席上

奈此朝雲暮雨天何曾寂寞似今年扶持酒病須桃李
打疊春愁付管絃老態婆娑枯樹賦舊吟零落衍波箋
天涯慣作銷魂別一曲尊前倍黯然

清明

佳節清明兼上巳天涯憔悴不勝春垂垂老去憐兒女
往往書來哭故人麥飯幾家上邱隴桃源一向雜風塵
還鄉有路歸何日千里東風草又新

故鄉亂後逢里人

未許溪山負杖來空憐白髮老相催十常九事不稱意

卓峰草堂詩鈔

卷六

五

一去百年無再回老屋斜陽荒薺合孤村流水野棠開
江鄉春事還蕭瑟倍使風塵客子哀

次韻叔安喜予過訪

流落天涯酒一尊年年芳草自招魂縱橫萬里餘胸次
俯仰千秋幾泪痕說劍重過歐冶里携琴不問孟嘗門
歸遲聊作臥遊計畫取江南黃葉村

重謁李忠定公祠

思公公去已千載天下紛紛又一時南渡當年輕社稷
東征何日偃旌旗卽看強虜猶難戢使恐疲民遂不支
一角荒祠幾斜照湖波黯黯草離離

